

Saturday, March 7, 2026

Time - 2:30pm - 2:35pm

AKASHVANI AIZAWL

REGIONAL NEWS UNIT

MZU 205H CONVOCATION

Vice President CP Radakrishnan chuan Mizoram leh India sawrkar inremna chu Remna ziah zinga hlawhtling ber a ni a ti.

Wawiina Mizoram University Convocation vawi 20-na a hmanpui na ah he thu hi sawiin Vice President chuan Mizoram chu India rama hmun ralmuang ber pawl a ni a ti a, Remna ziah chuan hmasawna a keng tel tih sawiin Remna ziah tawh zingah hlawhtling ber ani tih a sawi.

Pu CP Radakrishnan chuan Hun hmasa lam nena tehkhinin hmarchhak bialah hmasawna tam tak a thleng a ti a, thalaiten nasa takin hma an sawn tih sawiin kum 2047-a India in Ram Hmasawn nih a tumna kawngah Mizoram chu hmun pawimawh tak a ni a ti a, sawrkar laipuiin Hmarchhak bial a ngai pawimawh tih sawiin ramchhunga thalaite hmasawn rualin Mizo thalaite chu hmasawna kawng zawh turin a sawm a ni.

Vice President chuan state chhungah hmasawna ruhrel hrang hrang din a ni a ti a, Aizawl khawpui chu rel kawngin a tlawh tawh a, Kaladan Multimodal Transit Transport Project peihfel tep ani tawh a ti a, hei hian ram thenawm nen insumdawna tur kawng awlsam a siam dawn tih a sawi.

Vice President chuan Mizoram chu chawlh hahdamna atan hmun nuam tak ani a ti a, hetih rual hian ramngaw leh luidunga nungchate humhim kawngah theihtawpa tan lak a ngai a ti a, Mizo thalaite chu hemi kawngah hian ke pen an ngai tih sawiin thangthar lo awm zel tur tan kawng sial sak turin a chah a ni.

Larsap Gen (Rtd) Vijay Kumar Singh a pawhin thusawiin zirlai hlawhtling te chu a lawmpui thu a sawi a, MZU chu ramchhung hmundang nena tehkhinin zirna hmun tha leh zirlai tam tak chhuanawm tak tak anlo chhuah tawhna a ni a ti.

Mizoram chu hun rei tak chhung midangte ingaihsakna, lekhathiam tamna leh mi hawihhawm tamna hmun a ni tih sawiin Mizoram hming thatna chhawm nung zel turin a chah a, zirlaite chu Mizoram hmahlir anni tih sawiin ram hmasawna ngai pawimawh turin a chah a ni.

Chief Minister Pu Lalduhoma chuan ram hmasawn zelah thalaite chu an pawimawh avangin khua leh tui hmasawn zawk an nih theih nan theihtawp chhuah turin a chah a, Mizoram chu lekhathiam state nia chhal anni tawh tih sawiin thalaiten hmakhaw eng tak an nei a ti a, Digital State hmasa ber turin sawrkarin hma a la mek a, MZU chuan hemi kawngah hian hmun pawimawh tak an luah tih a sawi.

Chief Minister chuan MZU in zirlai chhuanawm tak tak a chher chhuak tawh a ti a, Mizoram chuan zirlai mai bakah thalai hmasawn duh leh bultan duh te nasa takin a pui tih sawiin hemi kawngah hian sawrkar pawhin nasa takin hma a la tih a sawi.

Wawiina Mizoram University Convocation ah hian zirlai 6385 ten degree an hmu a, heng zingah hian Doctor of Philosophy mi 147 niin Gold Medalist mi 43 an ni a, Book Prize winner mi 2 an awm bawk a ni.



INTERNATIONAL WOMENS DAY

Women & Child Development Director Pi Zoramthangi Chhangte chuan tunlai khawvelah hmeichhiate dinhmun a tha tawh tia sawi a nih lain Mizoramah chuan mahni inchnghkhura hleilenna tuar an la tam a ti.

International Women's Day puala a thuchahah he thu hi sawiin Pi Zoramthangi Chhangte chuan Women Helpline atanga phone call an dawn atangin hmeichhia tam tak mahni inchngha kut tuar an la tam hle tih a lan thu a sawi a. Zirna lamah pawh tunlaih hmeichhiaten duh duh an zir thei tih a ni chungin STEM education-ah hmeichhia an la tlem thu leh subject thenkhat, Physics, Engineering leh Maths te chu nu leh pa tam takin an fanu te zir chia ngai lo an la tam thu a sawi a. Infiamna lamah pawh hmeichhia te dinhmun a la hniam thu sawiin a bik takin football-ah an la hniam thu a sawi a. Nu leh pa ten an fanute eizawna tura ngai ngam lo an la tam tih sawiin nu leh pa tam tak rilru puthmang thlak a tul thu a sawi a ni.

Byte of Zoramthangi Chhangte

Pi Zoramthangi Chhangte chuan kumin International Women's Day thupui Give to Gain, "Pekin lukhawng a nei" tih a nih thu leh he ni pual hian tun thla ni 18-ah Dawrpui Multipurpose Hall Chief Minister Pu Lalduhoma leh a changtu Minister Pi Lalrinpuii hoa hun hman a nih dawn thu a sawi a ni.

